

武英殿聚珍版書

吳興府志卷之五

直齋書錄解題卷十三

宋 陳 振 孫 撰

醫書類

黃帝內經素問二十四卷

黃帝與岐伯問荅三墳之書無傳尙矣此固出於後

世依託要是醫書之祖也唐太僕令王冰注

案冰原本作水

今據文獻通攷改正

自號啓元子案漢志但有黃帝內外經至

隋志乃有素問之名又有全元起素問注八卷嘉祐

中光祿卿林億國子博士高保衡承詔校定補注亦

頗采元起之說附見其中其爲篇八十有一王砮者
寶應中人也

難經二卷

案文獻通攷作五卷

渤海秦越人撰濟陽丁德用補注漢志亦但有扁鵲
內外經而已隋志始有難經唐志遂題云秦越人皆
不可攷德用者乃嘉祐中人也序言太醫令呂廣重
編此經而楊元操復爲之注覽者難明故爲補之且
閒爲之圖八十一難分爲十三篇而首篇爲診候最
詳凡二十四難蓋脈學自扁鵲始也難當作去聲讀

脈訣機要三卷

晉太醫令高平王叔和撰通真子注并序不著名氏
熙寧以後人也

脈要新括一卷

案宋史藝文志作二卷

通真子撰以叔和脈訣有艱晚鄙俗處疑非叔和作
以其不類故也乃作歌百篇案經爲注又自言嘗爲
傷寒括要六十篇其書未之見

傷寒論十卷

漢長沙太守南陽張機仲景撰建安中人其文辭簡

古奧雅又名傷寒卒病論凡一百一十二方古今治傷寒者未有能出其外也

金匱要略三卷

案文獻通攷作金匱玉函經八卷

張仲景撰王叔和集林億等校正此書王洙於館閣蠹簡中得之曰金匱玉函要略方上卷論傷寒中論雜病下載其方并療婦人乃錄而傳之今書以逐方次於證候之下以便檢用其所論傷寒文多節略故但取雜病以下止服食禁忌二十五篇二百六十二方而仍其舊名

中藏經一卷

漢譙郡華陀元化撰其序稱應靈洞主少室山鄧處中自言爲華先生外孫莫可攷也

巢氏病源論五十卷

案文獻通攷作巢氏病源候論五卷

隋太醫博士巢元方等撰大業六年也惟論病證不載方藥今案千金方諸論多本此書業醫者可以參攷

聖濟經十卷

政和御製辟廡學生昭武吳裊注

醫門玉髓一卷

不知作者皆爲歌訣論五藏六府相傳之理

醫經正本書一卷

知進賢縣沙隨程迴可久撰專論傷寒無傳染以救

薄俗骨肉相棄絕之敝

醫說十卷

新安張杲季明撰

案文獻通考杲作景

食治通說一卷

東號婁居中撰臨安藥肆金藥曰者也有子登第以

恩得初品官趙忠定丞相跋其後書凡六篇

案文獻通攷作

十六篇

大要以爲食治則身治此上工醫未病之一術

也

治病須知一卷

不知名氏專論外證以用藥之次第爲不能脈者設也

五運指掌賦圖一卷

葉玠撰

大觀本草三十一卷

唐慎微撰不知何人仁和縣尉艾晟作序名曰經史證類本草案本草之名始見漢書平帝紀樓護傳舊經止一卷藥三百六十五種陶隱居增名醫別錄亦三百六十五種因注釋爲七卷唐顯慶又增一百三十四種廣爲二十卷謂之唐本草開寶中又益一百三十三種蜀孟昶又嘗增益謂之蜀本草及嘉祐中掌禹錫林億等重加校正更爲補注以朱墨書爲之別凡新舊藥一千八十二種蓋亦備矣今慎微頗復有所增益而以墨蓋其名物之上然亦殊不多也

本草衍義十卷

案文獻通攷作本草廣義二十卷

通直郎寇宗奭撰援引辨證頗可觀采

紹興校定本草二十二卷

醫官王繼先等奉詔撰紹興二十九年上之刻板脩
內司每藥爲數語辨說淺俚無高論

本草節要三卷明堂鍼灸經二卷膏肓灸法二卷

清源莊綽季裕集

肘後百一方三卷

晉葛洪撰梁陶隱居增補本名肘後救卒方率多易

得之藥凡八十六首陶併七首加二十二首共爲一百一首取佛書人有四大一大輒有一百一病之義名之

千金方三十卷

唐處士京兆孫思邈撰自爲之序名曰千金備急要方以爲人命至重有貴千金一方濟之德踰於此其前類例數十條林億等新纂

千金翼方三十卷

孫思邈撰千金方旣成恐其或遺也又爲此以翼之

亦自爲序其末兼及禁術用之亦多驗

外臺祕要方四十卷

唐鄴郡太守王燾撰

案原本誤作壽今據文獻通攷改正

自爲序天寶

十一載也其書博采諸家方論如肘後千金世尙多有之至於小品深師崔氏許仁則張文仲之類今無傳者猶閒見於此書大凡醫書之行於世皆仁廟朝所校定也按會要嘉祐二年置校正醫書局于編脩院以直集賢院掌禹錫林億校理張洞校勘蘇頌等竝爲校正後又命孫奇高保衡孫兆同校正每一書

畢卽奏上億等皆爲之序下國子監板行并補注本

草脩圖經千金翼方金匱要略傷寒論悉從摹印天

下皆知學古方書嗚呼聖朝仁民之意溥矣

案補注本草以

下數句原本有脫誤今據文獻通攷校補

太平聖惠方一百卷

太平興國七年詔醫官使尙藥奉御王懷隱

案宋史藝文志

作王懷德等編集御製序文淳化三年書成

王氏博濟方三卷

案文獻通攷作五卷

太原王袞撰慶歷七年序

藥準一卷

路公文彥博寬夫撰所集方纔四十首以爲依本草而用藥則有準故以此四十方爲處方用藥之準也
孫氏傳家祕寶方三卷

尙藥奉御太醫令孫用和集其子殿中丞兆父子皆以醫名自昭陵時迄於熙豐無能出其右者元豐八年兆弟宰爲河東漕屬呂惠卿帥并從宰得其書序而刻之兆自言爲思邈之後晁氏讀書志作孫尙祕寶方凡十卷

靈苑方二十卷

沈括存中撰

蘇沈良方十卷

蘇者東坡沈卽存中也不知何人所錄其間辨雞舌香一段言靈苑所辨猶有未盡者館閣書目別有沈氏良方十卷蘇沈良方十五卷而無靈苑方

正俗方一卷

知虔州長樂劉彝執中撰以虔俗信巫無醫藥集此方以教之

奉親養老書一卷

泰州興化令陳直撰

案文獻通攷直作眞

元豐中人

養生必用書三卷

案文獻通攷作十六卷

靈泉山初虞世和甫撰紹聖丁丑序

尊生要訣二卷

卽初虞世四時常用要方有廬山陳淮者復附益焉

龐氏家藏祕寶方五卷

蘄水龐安時安常撰安時以醫名世所著書傳於世者惟傷寒論而已此書南城吳炎晦父錄以見遺